



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1861

LXXX. Kurfürst Friedrich bestätigt dem Karthäuser-Kloster das Dorf
Doberin, am 25. März 1467.

Nutzungsbedingungen

[urn:nbn:de:hbz:466:1-55508](https://nbn-resolving.org/urn:nbn:de:hbz:466:1-55508)

LXXX. Kurfürst Friedrich bestätigt dem Karthäuser-Kloster das Dorf Doberin,
am 25. März 1467.

Wir frderich, von gots gnaden Marggraff zcu Brandenburg, des heyligen Romischen Reichs Ertzkammer, kurfurste vnd Burggraue zcu Nurenberg etc. Wye — eym cristlichen fursten geczemet gots dinft zcu stercken, Beweget vns dorch mere pslichten zu wezen gotshewern in vnfern landen geheget vnd von vnfern vorfarn zeligen gestiftet, die vormals verfehen vnd lang czeyt in loblichen wezen myt gots Dinste herkomen vnd gestanden sein, von furstlicher macht doby bleyblich zcu festigen, Bekennen wyr zcu ewiger geczugnisse myt dem brise vor vns, vnser erben vnd nachkomen vnd allermeniglich, dy yn ansichtig werden, das vor vns komen seyn dy andechtigen vnd geistlichen bruderen vnfern lieben getruwen der prior vnd gancz Conuent des kartheusers klosters vnd houses der barmherczigkeit gots genant, vor vnser stad franckenfurt gelegen, die wyr sunderlich lieben vnd vns demutiglich baten, sy mit newer bevestunghe vber das dorf Doberyn, das sye vor jaren von Otto lossowen bey Marggraff Jofts geczeyten milder gedechtnis gekauft hatten, der In das Geeygenth hath, dye Briefe von vngefchicht vnd vorfeurnisse irer vorfarn verganghen vnd dy verloren haben, gnedichlichen widder czu vorsehen. Als wir aber wissen vnd kundig ist, das sye das yn langhen rechten vnd gerichtten geweren bey vnfers lieben hern vnd vaters seligen vnd nv bey vnfern czeyten, so weit menschen gedencken ist, gehabt vnd noch haben vnd nicht wolten, das yn naembals vorkurzunghe ader abzugk daran geschen solde, Dorvmb got dem almechtigen, Marian seiner werden mutter, allem hymmelschen here zcu lobe, eren vnd wiriden, vnd sunderlich vnser vorfaren, vnser erben vnd nachkomen vnd allen glaublichen zelen czu wolfart vnd zelikeit haben wir, vns eigner bewegnisse, den obgenanten Prior vnd brudern vnd allen iren nachkomen vnd dem gnanten closter das egeschriben dorf mit allen vnd iglichen gnaden, rechten, obirften, niddersen, czinsen, Renthen vnd aller zugehorunghe, als se des bisher gehabt haben vnd als es in seynen greintzen gelegen ist, das van news vereigent vnd vereigen das auch zcu eynen rechten ewygen eigenthum myt gegenwertlicher kraft vnd macht disss bryfs, Sullen das alle czeit vngehindert gebrauchten nach irem nutz, als eigenthums recht vnd gewonheit ist. Darvor sullen sie vns, vnser vorfarn, erben vnd nachkomen Marggrauen zu Brandenburg vnd Borggrauen zcu nurenberg sunderlich eyn Jar geczeit vnd ein ewigen memorien vnd gedechtnisse machen vnd halden, sye vnd Ire nachkomen myt vigilien, zelemessen vnd waz sich darczu geburet yn mher weyffe, als sie vnfern lieben heren vnd vater ifslich merhmals eine — gemacht haben — — —. Doch das an vnfers lieben hern vnd vaters memorien darvmb nichts abgeen sol, on argk vnd on geuerde. Des synt geczeugen die hochgebornen, Erwidigen, wolgeborn, Edelen vnd gestrenghen, vnser Reibe, hofgeind vnd lieben getrewen herr Otto, herczog zcu Stetin etc., herr fridrich, bisschof zcu lubus, vnser Canczler, her ludwich, lantgraue zcu leutenperg vnd graue zcu hals, her fridrich, graue von Orlamunde, Her ludewich, graue zu Otingen, Herr Gotfride, graue zu hoenloh, Er hans von torgow, herre zur czoffen, henning quast, vnser obermarschalk, Gorge von waldensfels, vnser kamermeister, Haffe von bredow, vnser liben gemaheln hofmeyster, Caspar von waldow, Balczar van vchtenhagen, Ritters, paul van conrstorf, vnser lantvoyt der nuwen margke, Cuntz von lobben, vnser vndermarschalk vnd ander mer der vnfern glaubwürdiger. Zu vrkund myt vnfern grosen anhanghenden Insigil versigilt vnd geben czu kuftrin,

Am mittwochen Nach den hilgen palm fontage, Nach gots geburth Dawsent virhundert vnd darnach im sebben vnd sechzigsten iaren.

Nach dem Copialbuche des Carthäuser-Klosters, No. 37.

Die Lücken sind in dem auf diesen Stellen verloschenen Copialbuche nicht mehr auszufüllen.

LXXXI. Mehrere Bürger zu Frankfurt und der Vorsteher der Armen zu St. Marien-Magdalenen daselbst verkaufen den Carthäusern einen Theil ihrer Pächte aus der Trettinischen Mühle, am 13. Mai 1467.

Vor allen, die dessen offen brif sehn adder horen lezen, Bekenne ich Nielaus bam vor mich vnd meyne bruder, her peter bam, vnd meyne rechten lehnern, das ich mich habe recht vnd reddelich vortragen myt den andechtigen herrn, den Carthusern, gelegen vor franckenforde an der Oder, Also neemlich, das ich een habe verlasen vnd zugegeben, verlasse vnd zeugebe funf yar lanck zcu rechen an vom Dato des briefs das vierde teyl meyns pachtis uf der grossen möle by Drettin vnd ich Tyle blese, burger vnd Rathman zcu franckenforde, Bekenne vor mich vnd meyne rechten erben, das ich mich habe vortragen recht vnd reddelich myt den Andechtigen veteren vnd brudern, den Carthewfern vorgnant vnd habe een verlasen V yar lanck das dritte teyl meyns pachtis vf derselbigen moelen. Och wyr volprecht vnd hans starkow, der armen czu sunte marie magdalenen vorstender, gesatzt von den Erffarmen Rathe zcu franckenforde, Bekennen vor vns vnd vnsern nachkomen vorsteender darfelbist, das wyr vns haben vortraghen recht vnd reddelich von der armen wegen vorgenant myt den meergenanten Carthewfern vnd haben en vorlasen V yar lanck das dritte teyl der pechte vf der gnanten moelen. Vnd ich meyster Nickel luben, Burger zcu franckenforde, Bekenne vor mich vnd meyne rechten erben, das ich mich recht vnd reddelich habe vortraghen myt den egnanten Carthusern vnd habe en verlosen V yar lanck das dritte teyl meys pachtis vf der vorgnanten moelen, Also bescheyden, das dy andechtigen veteren vnd brudere derselbigen mole mechtig fullen sein czu bouwen vnd czu verkoufen nach iren besten, wen sye wollen. So gelobe wyr alle vorgeschreben In samether hanth in dessem brife vor vns vnd vnser rechte erben adder nachkomen, besitzer der pechte adder vorwezere, vor alle ansproche, dy uf dy mole komen mochte, den werdigen vnd andechtigen herrn Carthusern vorgnant rechte gewere zcu seyn, wen een des behuf vnd not wert seyn. Och fullen dy Carthuser des macht haben, Wem sye dy mole verkouffen, sulche were meth zcu globen vnd in dissem yar als dato des briefs vsweyset. Czwisehen hyr vnd sunte michel fullen dy Carthewfer myt keynen pechten besweret seyn, sunder na sunte michel nehest zcu komen, fullen sye geben uf weynachten ein yderman vorgeschreben nach seynen anteyl funf yar lanck als vorberurt is vnd darnach fullen dy Carthuser edder wer dy moele besiczet ein yderman seyne fulle pechte geben, Als von alders gewest is, Alse besundern Nielaus bam czwe winspil lehenpacht alle yar, Tyle blese XXVII schefel yerlich, den armen czu sunte Marie magdalen XIII schefel, Meister nickel luben II winspil: vnd ys dy Cartheofer dy mole